



## Universitätsbibliothek Paderborn

**R. P. Lucae Pinelli Societatis Jesu Theologi, De  
Perfectione Religiosa, Et Obligatione, Qvam Qvisqve  
Religiosus ad eam consequendam habet. Libri Quatvor**

**Pinelli, Luca**

**Mogvntiae, 1604**

V. Quo sensu religiosa perfectio consistat in tribus votus.

[urn:nbn:de:hbz:466:1-46699](#)

*Quo sensu religiosa perfectio consistat in  
tribus votis.*

## CAPVT V.

**D**OMINE, si perfectio religiosa sita est in caritate perfecta, & coniunctione cum summo bono, hoc est, tecum, quid necesse est nos occupari in aliis virtutibus, & secessionem facere ab ea, quæ est finis noster? Nosti, Domine, caritatem esse omnium virtutum reginam, & ab ea totam gratiæ legem pendere; itaque si ad eam comparandam omnes curas studiaque conferamus, nihil est quod magnoperè de aliis virtutibus laboremus. Sola illa si adsit, nihil deesse potest. Verum est, fili, perfectionis religiosæ finem & scopum esse perfectam caritatem, & vniōnem mecum tuo creatore, sed quomodo tu poteris consequi finem sine debitiss mediis? Quomodo vis vñiri mecum, nisi remoureas ea omnia, quæ te impediunt?

**N**O R I S itaque ad intimam illam cum Creatore tuo, id est, mecum vñionē, in qua consistit perfecta caritas, perueniri internis affectionibus mentis, cum spiritu religiosis, ad quam à me vocatus es, consentientibus. Tria autem affectum humanum impe-

etum  
onem  
& alia  
ores &  
endas  
inim  
es hu  
gnita  
actio  
umore  
a, nul  
i, sed  
re mi  
entum  
via v  
nnem  
debes  
d glo  
io est,  
roptet  
ælum  
m-

Quo

impedire queunt, quo minus mihi coniungatur. Primum est cupiditas opum, aliorumque bonorum fortunæ, quæ vbi humani cordis partem inuaserit, non sinit totum hominem ad me conuolare. Vnde adole-

*Mat. 19.*

scens, cui ego dixi, si vellet esse perfectus venderet omnia quæ haberet, daretque pauperibus, & tunc veniens me sequeretur, tristis abscessit, quia plus æquo addictus erat possessionibus, quas multas habebat. Hic affectus tollitur voto Paupertatis, quo religiosus renunciat omnibus quæ in mundo possidet, ut toto affectu, animique sensu cum Domino suo se vnire possit. Alterum

impedimentum est, amor voluptatum car-

nalium, quæ hominem excæcant, quo mi-

nus aspirare possit ad mei vnionem, quæ fi-

*Las. 14.*

per amorem spiritualem. Vnde in paraboli Euangelica quidam ad nuptias inuitatus, respondit se non posse venire, eò quod uxorem duxisset. Hic amor carnalis prorsus tollitur Voto Castitatis. Tertium, quod plus impedit, sed minus agnoscitur, est voluntatis humanæ inordinatio, quæ uti ad impe-

xandum aliis propensa est, ita ægrè se sub-

mittit voluntati alienæ. Atque hæc inordi-

*Mat. 16.* natio eiusmodi est, ut hominem à mediuel-

lat, & idcirco in Euangelio dixi, Qui vult

veni-

venire post me, abneget semetipsum, id est, propriam voluntatem, & renuntiet quasi sibi ipsi. Nec aliud est vniuersi mihi, quam seipsū deserere, & totum se mihi dedere. Frustra laborat vniuersus se mihi, qui non prius à seipso discesserit. Hoc tertium impedimentum tollitur Voto obedientiæ, cuius beneficio religiosus se aliis subiiciendo, sinit se secundum voluntatem meam gubernari. Cum igitur perfectio religiosa consistat in perfecta caritate, & intima mecum vniōne, Vota verò sint media ad illam obtinendam, eiusque impedimenta remouenda, destinata, meritò dicitur in tribus votis perfectionem religiosam sitam esse.

AD HÆC CUM TRIA VOTA SINT RELIGIOSÆ VI-  
TÆ FUNDAMENTA, CONVENIENTER ETIAM DICITUR  
PERFECTIONEM HÆGIUS PENDERE AB ILLIS, S-  
ECUTÆ ADIPLICIORUM MATERIALIÙM PERFECTIO PEN-  
DET A SUE FUNDAMENTIS. TRIA AUTEM NECESSA-  
RIA SUNT IN FUNDAMENTIS. VNUM EST, VT IN AE-  
DIFICIIS EORUM CURA INPRIMIS HABEATUR. QUOD  
ENIM FIRMIORA ERUNT FUNDAMENTA, HOC AE-  
DIFICIUM ERIT FIRMIUS & STABILIUS. ALTERUM EST,  
VT CONSERVENTUR INTACTA & IMMOTA. NAM  
EX MINIMA EORUM COMMOTIO, MAXIMA  
SEQUUNTUR RIMÆ IN MURIS. TERTIUM EST,  
QUOD AEDEVICIUM NON RETINET NOMEN AE-  
DIFICIJ,

ficij , vel domus , si fundamentum absit , sed appellatur casa vel tugurium , in quod abi ci solent sordes . Cum ergo tria vota sint religionis fundamenta , hæc tria quoque in illis obseruari debent . Ac primò quidem , religioso prima cura incumbat de votis , e quod ab illis vita & essentia religiosi hominis dependeat . Si vota firma & immot constiterint , totum quoque ædificium spirituale religiosi immotum perstabit . Secundò , ut vota conseruet intacta & inviolata nam minimus in votis lapsus , notabilem i ctituram in disciplina religiosa facit . Denique ut sublatō fundamento domus nomen non retinet , ita sublatis votis religiosus non religiosus amplius , sed apostata dicitur , qui semel è suo statu delapsus facile hu us mundi sordibus inquinatur . Quando dices , quæ sunt quasi fundamenta arborum Iæduntur , facile exarescunt arbores , aut pa rum valent .

P R A T E R E A , constat religionem esse statum , & locum quietis animi , in quo homo liber à fluctibus , tempestatibusq ; seculi periculis , tanquam in tranquillo & securio portu requiescit , ac vitam spiritalem & tranquillā ducit . At hoc religio maxime consequitur Votorum præsidio , quæ fouent

&amp; tu-

& tuentur religiosam tranquillitatem, liberando à curis & molestiis huius mundi solicitudinibus. Ob quam etiam causam dicitur tribus votis perfectionem religiosam contineri. Primum igitur votum Paupertatis efficit, ut religiosus sit solutus cura bonorum, temporalium aut conseruandorum, aut augendorum, aut etiam dispensandorum. Votum deinde Castitatis eximit eundem à solicitudine rei familiaris, ut vxoris, liborum, & familiæ, quæ tam grauis crebrò est, & permolesta, ut multos adducat in desperationem. Denique Voto Obedientiæ religioso adimitur anxietas, qua plerique hominum torqueri solent, dum statuere secū non valent, hocnè vel illud aggredi debent, vtrum conducibilius sit hanc vel illam rationem viuendi tenere. At religiosus, qui per votum obedientiæ sc̄e in omnibus, & per omnia totum arbitrio Superiorum dirigendum commisit, à superuacaneis huiusmodi angoribus & dubiis liberrimus est. Fili, tranquillitas animi tibi commendatissima esse debet, quia inde pendet tua salus. Vbi perturbatio est, & inquietudo, non potest esse spiritus, nec deuotio. Et scias, quādiu in religione vota tua seruaueris, te in pace & quiete religiosa vicissim ab iis seruatum iri,

A d extremum perfectio religiosa ideo  
est attributa Votis, quod perficiat holocau-  
stum, quod religiosi de seipsis Deo offerunt.  
In veteri lege holocaustum totum igne co-  
sumebar in odorem suavitatis, & citò ab  
soluebatur eius oblatio. At holocaustum  
religiosi perdurat in omnem vitam, & qui  
propius à fine abest, hoc suauorem odoris  
reddit. Atque ideo mihi fit votum perpetua  
paupertatis, perpetuae castitatis, & perpetua  
obedientiæ. In holocausto paupertatis mihi  
offeruntur omnia bona temporalia. In Ca-  
titatis, bona corporis. In Obedientiæ, bona  
animi. hoc enim ipso quod mihi offerant  
voluntas, vna quoq; offeruntur omnes po-  
tentia & facultates eius imperio subiecta.  
Cumq; nihil aliud offerendum restet, me  
ritè per vota integrum perfectumq; offer-  
tur holocaustū. Status Virginalis in se per-  
fectus est, & mihi pergratus: sed status reli-  
giosus multò perfectior est, mihiq; grationis  
quia Virgines amore mei tantum se priuant  
voluptatibus carnis: at religiosi etiam pro-  
pria voluntate, ac mihi donant quicquid  
habent. Non parum dat, qui donat quic-  
quid habet, nec recipiet parum in cælo, qui  
remunerationis loco recipiet meipsum.

IAM verò iudicent omnes, velim, quanti  
fici

fieri debeant religionis vota, quandoquidem sunt religiosæ vitæ fundamenta, sunt conseruatores tranquillitatis animi tanto perè ab hominibus desideratæ, sunt efficacissima media ad consequendam perfectiōnem, & ad offerendum perfectum Creatori sacrificium. Miles magni facit equum, & arma, quorum beneficio tueri potest temporalem vitam & victoriam referre ab inimicis. Et religiosus nullo in precio habebit Vota, quorum opera conseruat vitam spiritualem & victoriamque obtinet non solum contra inimicos suos, sed etiam contra se ipsum? O quantus erit horum trium Votorū fulgor in cælo, quando trium preciosarum gemmarum instar collocabuntur in corona gloriae? Si enim nunc eadem quasi obiectæ & absconditæ nunc in terra tamen tantum reddunt splendorem, ut huius mundi Dominis sint admirationi, quantus earū splendor erit in cælo, ubi omnia patebunt? Non dubium est, ingentem fore lætitiam & pacem eorum qui has gemas secum in cælū transmulerint, sicut contra magnus erit dolor & confusio eorum, qui eas, dum viuunt, non loco habuerunt, quo debuerunt. Si tu flocci facis eas, quæ te ad magnū honoris fastigiū eucchere possunt, quid tandem magnificacies?